

სსიპ-საქართველოს ინტელექტუალური საკუთრების ეროვნული ცენტრი „საქპატენტი“

გამარტივებული ელექტრონული ტენდერის საშუალებით
ავეჯის (CPV-39100000) შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის,
გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“
სახელმწიფო შესყიდვების სააგენტოს თვმჯდომარის 07.04.2011წ. №9 ბრძანების საფუძველზე

დაფინანსების წყარო: საკუთარი სახსრები

ქ. მცხეთა 2012 წ.

სარჩევი

1. ტექნიკური დავალება 3
2. სახელმწიფო შესყიდვის შესახებ ხელშეკრულების პროექტი 5
3. დანართი №1 ფასების ცხრილი 10

1. ტექნიკური დავალება

1.1. შესყიდვის ობიექტი – ავეჯი (CPV-39100000) ქვემოთ მოცემული რაოდენობით (საილუსტრაციო ნახაზები იხ. დანართში):

დასახელება	რაოდენობა
ტუმბო 1	23
ტუმბო 4	8
ტუმბო 5	27
მაგიდა 3-ის გვერდიდან მისადგმელი კარადა	11
ნახაზში მოცემული კარადა 1-ის შესაბამისი დახურული კარადა სარკით	10
კარადა 4	3
მაგიდა 1	1
კარადა 3	1
მაგიდა 13	1

შენიშვნა:

- ყველა კარადაში უნდა ეტეოდეს ბაინდერი.
- ტუმბო 1-ს უნდა გააჩნდეს საკეტი.

- შესყიდვის ობიექტის სავარაუდო ღირებულებაა 18 000 (თვრამეტი ათასი) ლარი.
- სავალდებულოა საქონლის სრულად მიწოდება განხორციელდეს ხელშეკრულების გაფორმებიდან არაუგვიანეს 25 (ოცდახუთი) კალენდარული დღის განმავლობაში. შესაძლებელია ეტაპობრივი მიწოდება.
- მაგიდები, ტუმბოები და კარადები დამზადებული უნდა იყოს ლამინირებული მერქან-ბურბუშელის ფილისაგან. გამოყენებული მექანიზმები და სხვა თანმდევი დეტალები უნდა იყოს მაღალი ხარისხის. შესყიდვის ობიექტის ფერი უნდა შეთანხმდეს შემსყიდველთან.
- სავალდებულოა მიწოდებულ საქონელზე არსებობდეს საგარანტიო პერიოდი არანაკლებ 1 (ერთი) წლის ვადით. საგარანტიო ვადის ათვლა დაიწყება საბოლოო მიღება-ჩაბარების აქტის გაფორმების თარიღიდან. საგარანტიო ვადის განმავლობაში გამოვლენილი ნებისმიერი დეფექტი რომელიც წარმოიშვება შემსყიდველის ბრალის გარეშე მიმწოდებელი ვალდებულია საკუთარი ხარჯებით უზრუნველყოს გამოცვლა ან გარემონტება.
- პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:**
 - ინფორმაცია ორგანიზაციის რეკვიზიტების შესახებ (იურიდიული სახელწოდება, ფორმა, მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი).
 - მისაწოდებელი საქონლის ფასების ცხრილი დანართი №1-ის შესაბამისად (ცხრილში დეტალურად უნდა იქნეს მითითებული თითოეული პროდუქტის ტექნიკური მონაცემები და მიწოდების ვადები).
 - ინფორმაცია სატენდერო წინადადების მოქმედების ვადის შესახებ (სატენდერო წინადადება უნდა მოქმედებდეს მისი სისტემაში ატვირთვის დღიდან, ტენდერისათვის „ხელშეკრულება დადებულია“, „დასრულებულია უარყოფითი შედეგით“, ან „ტენდერი შეწყვეტილია“ სტატუსის მინიჭებამდე).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედადამული უნდა იყოს უფლებამოსილი პირის ხელმოწერითა და ბეჭდით.

7. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „7.1.“-„7.8.“ ქვეპუნქტებში განსაზღვრულ მოთხოვნებზე:
- 7.1. მიმწოდებელთან ანგარიშსწორება განხორციელდება უნაღლო ანგარიშსწორებით, ეროვნულ ვალუტაში.
- 7.2. ანგარიშსწორებისათვის შემსყიდველსა და მიმწოდებელს შორის უნდა გაფორმდეს ფაქტიურად მიწოდებული საქონლის შესაბამისი მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანხლები დოკუმენტაცია (საგადასახადო ანგარიშ-ფაქტურა, სასაქონლო ზედნაღები). ანგარიშსწორება მოხდება შემსყიდველის მიერ მიღება-ჩაბარების აქტის ხელმოწერიდან 10 კალენდარული დღის განმავლობაში.
- 7.3. წინასწარი გადახდის მექანიზმი არ გამოიყენება.
- 7.4. ხელშეკრულების გაფორმებიდან არაუგვიანეს 25 (ოცდახუთი) კალენდარული დღის განმავლობაში მიმწოდებელმა საკუთარი ხარჯებით უნდა უზრუნველყოს შესყიდვის ობიექტის მიწოდება (შესაძლებელია როგორც ერთიანად, ისე ეტაპობრივად) შემსყიდველის ოფისში, მისამართზე: ქ. მცხეთა, სვეტიცხოვლის ტაძრის მიმდებარედ საქპატენტის სათაო ოფისი.
- 7.5. ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება:
- ელექტრონული გარანტიების რეესტრის მეშვეობით გაცემული ელექტრონული გარანტიისათვის არანაკლებ 120 (ას ოცი) კალენდარული დღით, ტენდერისათვის სტატუსის - „წინადადებების მიღება დაწყებულია“ მინიჭების ეტაპიდან.
 - იმ შემთხვევაში, თუ ელექტრონული გარანტია წარდგენილია საბანკო პლასტიკური ბარათიდან სააგენტოს ანგარიშზე თანხის გადარიცხვის გზით შესაბამისი ტენდერისათვის საბოლოო სტატუსის მინიჭებამდე.
- 7.6. პრეტენდენტს არა აქვს უფლება წარმოადგინოს ალტერნატიული წინადადება.
- 7.7. ინფორმაცია საგარანტიო პერიოდის შესახებ (არანაკლებ ერთი წელი).
- 7.8. სატენდერო წინადადებაში წარმოდგენილი საქონლის საერთო და ერთეულის ფასი გამოსახული უნდა იყოს ლარში, ყველა ხარჯისა და შესყიდვის ობიექტის მიწოდებასთან დაკავშირებული გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

შენიშვნა: გამარჯვებულმა პრეტენდენტმა სახელმწიფო შესყიდვის შესახებ ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების შესაბამისი ცხრილი.

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 298-85-18.

სახელმწიფო შესყიდვის შესახებ ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. თბილისი

_____ 2012 წ.

ერთის მხრივ, საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის გიორგი ქურდიანის სახით, (მოქმედი საქპატენტის თავმჯდომარის - ირაკლი ღვალაძის მიერ 2011 წლის 1 სექტემბრის №41 ბრძანებით მინიჭებული უფლებამოსილების საფუძველზე) და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ – №SPA----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

ხელშეკრულების საგანს წარმოადგენს ავეჯი (CPV-39100000), რომელთა მახასიათებლები მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ჯამური ღირებულება

- 3.1. ხელშეკრულების საერთო ჯამური ღირებულება შეადგენს _____ ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის შესყიდვასთან და მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები:
 - 4.2.1 მხარეთა მიერ ხელმოწერილი მიღება-ჩაბარების აქტი;

4.2.2 საგადასახადო ანგარიშ-ფაქტურა;

4.2.3 სასაქონლო ზედნადები.

- 4.3. ანგარიშსწორება განხორციელდება ფაქტობრივად მიწოდებული საქონლისა შესაბამისად, 4.2. პუნქტით გათვალისწინებული დოკუმენტაციის წარდგენიდან 10 (ათი) კალენდარული დღის განმავლობაში, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით.

5. საქონლის მიწოდებისა და მიღება-ჩაბარების პირობები

- 5.1. საქონლის მიწოდებას მიმწოდებელი განახორციელებს საკუთარი ხარჯებით შემსყიდველის მისამართზე: ქ. მცხეთა, სვეტიცხოვლის მიმდებარე ტერიტორია, საქპატენტის სათაო ოფისი.
- 5.2. საქონლის მიწოდება განხორციელდება ხელშეკრულების გაფორმებიდან არა უგვიანეს 25 (ოცდახუთი) კალენდარული დღის განმავლობაში.
- 5.3. მიმწოდებელი საკუთარი რისკითა და ხარჯით უზრუნველყოფს საქონლის მიწოდებას 5.1. მუხლით გათვალისწინებულ მისამართზე.
- 5.4. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.5. შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს: _____

6. მხარეთა უფლება-მოვალეობანი

- 6.1. შემსყიდველი უფლებამოსილია:
- 6.1.1. მოსთხოვოს მიმწოდებელს საქონლის მიწოდება ხელშეკრულებით გათვალისწინებული პირობებითა და ვადებში;
 - 6.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი (ინსპექტირება);
 - 6.1.3. მიიღოს მხოლოდ წინამდებარე ხელშეკრულებით გათვალისწინებული საქონელი;
 - 6.1.4. უარი განაცხადოს უხარისხო საქონლის მიღებაზე.
- 6.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.
- 6.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.4. მიმწოდებელი ვალდებულია:
- 6.4.1. გადასცეს შემსყიდველს ტექნიკური დოკუმენტაციის შესაბამისად ნივთობრივად და უფლებრივად უნაკლო საქონელი და მასთან დაკავშირებული დოკუმენტაცია, წინამდებარე ხელშეკრულებით გათვალისწინებულ ვადებში;
 - 6.4.2. მიაწოდოს შემსყიდველს წინამდებარე ხელშეკრულებით გათვალისწინებული საქონელი.

7. გარანტია და მხარეთა პასუხისმგებლობა

- 7.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 7.2. მიმწოდებელი იძლევა გარანტიას, რომ საქონელს ----- წლის განმავლობაში არ აღმოაჩნდება ნაკლი, წინააღმდეგ შემთხვევაში იგი საკუთარი ხარჯით უზრუნველყოფს ნაკლის გამოსწორებას (საგარანტიო ვადა).
- 7.3. საგარანტიო ვადის ათვლა იწყება მხარეთა მიერ საბოლოო მიღება-ჩაბარების აქტის გაფორმების დღიდან.
- 7.4. საგარანტიო ვადის განმავლობაში მიმწოდებელი ვალდებულია აღმოაჩენილი ხარვეზი აღმოფხვრას საკუთარი სახსრებით ან ნაკლის მქონე საქონელი შეცვალოს ახალი, უნაკლო საქონელით შემსყიდველის მიერ განსაზღვრულ გონივრულ ვადაში, წინააღმდეგ შემთხვევაში შემსყიდველი უფლებამოსილია მოსთხოვოს მიმწოდებელს პირგასამტეხლოს გადახდა, ყოველ ვადაგადაცილებულ დღეზე ხელშეკრულების საერთო ღირებულების 0,2%-ის ოდენობით.
- 7.5. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარე უფლებამოსილია დააკისროს დამრღვევ მხარეს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,2%-ის ოდენობით.

- 7.6. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 7.7. პირგასამტეხლო დაერიცხება მხარეს ვალდებულების სრულად შესრულებამდე.
- 7.8. შემსყიდველს უფლება აქვს მოახდინოს პირგასამტეხლოს გამოქვითვა მიმწოდებლისათვის გადასახდელი თანხიდან.
- 7.9. მხარის მიერ ხელშეკრულების პირობების სრული ან ნაწილობრივ დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებებზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ ცალმხრივად შეწყვიტოს ხელშეკრულება. საქართველოს სამოქალაქო კანონმდებლობით გათვალისწინებულ შემთხვევებში მხარე უფლებამოსილია შეწყვიტოს ხელშეკრულება გონივრული ვადის დაწესების გარეშე.
- 7.10. ტრანსპორტირების (მიწოდების) პროცესში საქონლის დაზიანებით გამოწვეული ზიანის ანაზღაურების ვალდებულება ეკისრება მიმწოდებელს.
- 7.11. მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან.

8. ხელშეკრულების შესრულების კონტროლი

შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

9. ფორს-მაჟორი

- 9.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.
- 9.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვ.).
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძვევი მიზეზების შესახებ.
- 9.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 9.5. მხარეები ანახლებენ ხელშეკრულებით ნაკისრი ვალდებულებების შესრულებას ფორს-მაჟორული გარემოებების აღმოფხვრისთანავე.
- 9.6. წინამდებარე ხელშეკრულებით განსაზღვრული ვალდებულების შესრულების ვადები გადაიწევის იმ ვადით, რა ვადითაც გრძელდებოდა ფორს-მაჟორული გარემოება.

10. ხელშეკრულებაში ცვლილებების შეტანა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ხელშეკრულების მოქმედების ვადა და შეწყვეტის პირობები

- 11.1. ხელშეკრულება ძალაში შედის მხარეთა მიერ ხელმოწერის დღიდან და ძალაშია 2012 წლის -----
-----მდე.
- 11.2. წინამდებარე ხელშეკრულების 7.2., 7.3., 7.4., 7.7., და 7.11. პუნქტები ძალაშია მხარეთა მიერ ვალდებულების
სრულად შესრულებამდე.
- 11.3. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი
მოქმედების ნებისმიერ ეტაპზე.
- 11.4. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ
წერილობითი შეტყობინების მიღებიდან 5 (ხუთი) დღის ვადაში, იმ შემთხვევაში, თუ:
- 11.4.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;
 - 11.4.2. წინამდებარე ხელშეკრულების მე-11 მუხლით გათვალისწინებული შემთხვევების დადგომისას
არსებითად იცვლება ხელშეკრულების პირობები;
 - 11.4.3. დაუძლეველი ძალის (ფორს-მაჟორი) მოქმედება გრძელდება --- თვეზე მეტ ხანს;
 - 11.4.4. წინამდებარე ხელშეკრულების 7.6. და 7.9. პუნქტებით გათვალისწინებულ შემთხვევას ექნება
ადგილი.
- 11.5. ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით
გათვალისწინებული საფუძვლებით.

12. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც
ნაწილობრივ არ უნდა გადასცეს მესამე მხარეს მოცემული ხელშეკრულებით ნაკისრი ვალდებულებები.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების
გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან
მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

- 14.1. ხელშეკრულება შედგენილია ქართულ ენაზე სამ თანაბარმნიშვნელოვან ეგზემპლარად (ერთი
ეგზემპლარი მიმწოდებელს, ხოლო ორი შემსყიდველს).
- 14.2. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და
ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების,
პუნქტების ან/და დებულებების ნამდვილობაზე.
- 14.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს
წერილობით

მხარეთა რეკვიზიტები და ხელმოწერები

შემსყიდველი

საქართველოს ინტელექტუალური საკუთ-
რების ეროვნული ცენტრი „საქპატენტი“
მისამართი: საქართველო, ქ. მცხეთა, სვეტიცხოვლის
ტაძრის მიმდებარე ტერიტორია
საიდენტიფიკაციო კოდი: 203831363
საბანკო რეკვიზიტები:
ს/ს „საქართველოს ბანკი“ ც/ფ,
ბანკის კოდი: BAGAGE22
ანგ. №GE57BG000000892218200

მიმწოდებელი

დანართი №1

ფასების ცხრილი (დღგ-ს ჩათვლით)

პრეტენდენტის დასახელება -----

დასახელება	დეტალური მახასიათებლები (ივსება პრეტენდენტის მიერ)	რაოდენობა (ცალი)	ერთეულის ფასი (ივსება პრეტენდენტის მიერ)	საერთო ღირებულება (ივსება პრეტენდენტის მიერ)	მიწოდების ადგილი (ივსება პრეტენდენტის მიერ)	მიწოდების ვადა (ივსება პრეტენდენტის მიერ)
ტუმბო 1		23				
ტუმბო 4		8				
ტუმბო 5		27				
მაგიდა 3-ის გვერდიდან მისადგმელი კარადა		11				
ნახაზში მოცემული კარადა 1-ის შესაბამისი დახურული კარადა		10				
კარადა 4		3				
მაგიდა 1		1				
კარადა 3		1				
მაგიდა 13		1				

პრეტენდენტის ხელმოწერა და ბეჭედი -----